

Per l'emprima giada ina Rumantscha

Fundaziun Chadaina da fortuna

DA GION NUTEGN STGIER / ANR

■ **Suenter quatter presidents ha la Chadaina da fortuna cun Ladina Heimgartner da Scuol per l'emprima giada ina presidenta. La directura da Radiotelevisiun Svizra Rumantscha suonda a Françoise Besençon. Ils davos 70 onns ha l'organisaziun d'agid rimnà 1,5 milliardas francs en furma da donaziuns.** En Svizra è la Chadaina da fortuna ina da quellas organisaziuns caritativas ch'è er fitg enconuschenta tar vegl e giuven. Ella è fitg populara e tar catastofas sin l'entir mund sa mussan ils Svizzers fitg generus e solidarics sche la Chadaina da fortuna rimna daners per las regiuns pertutgadas da las catastofas. Suenter malauras sustegna l'organisaziun er en Svizra persunas privatas ubain vischnancas cun donns da la malaura. La Chadaina da fortuna gida en collavuraziun cun servetschs socials spezialisads er en noss pajais persunas en basegn cun var in milliun francs l'onn. L'organisaziun exista dapi il 1946 ed ils davos prest 60 onns ha ella rimnà 1,5 milliardas francs en furma da donaziuns. La Fundaziun da la Chadaina da fortuna è vegnida fundada il 1983 e quai da la SSR. Avant era quella durant quatter decennis ina emissiu da radio, dal radio da la Svizra romanda (Chaîne du Bonheur) ed ina part integrada da la SRG SSR.

«Esser vardavla»

Suenter dus presidents da la Romandie, in dal Tessin e da la Svizra tudestga stat cun *Ladina Heimgartner* per l'emprima



Vegnan en l'avegin a collavurar anc pli fitg: Claudia Cathomen, la vusch rumantscha tar l'organisaziun d'agid, Tony Burgener, il directur e Ladina Heimgartner, la nova presidenta dal cussegl da fundaziun da la Chadaina da fortuna (da san.).

FOTO G. N. STGIER

giada ina dunna al timun dal cussegl da fundaziun da la Chadaina da fortuna e per l'emprima giada er ina persuna rumantscha. Sco presidenta maina ella il gremi che sa cumpona da sis represchentantas e represchentants da la Societad Svizra da Radio e Televisiun SRG SSR, da sis persunas da las 25 organisaziuns caritativas partenarias da la Chadaina da fortuna u experts da l'agid umanitar. Fin uss era la directura da Radiotelevisiun Svizra Rumantscha vicepresidenta dal cussegl da fundaziun e vegnida clamada en quella posiziun sco presidenta è l'Engiadinaisa da *Roger de Weck*, il directur general da la SRG SSR. La qualitad haja gronda prioritad er tar la Cha-

daina da fortuna, ha ditg la nova presidenta. «Qualitad sto esser avant maun e quai sin in aut nivel», manegia Ladina Heimgartner. Quel aspect saja da gronda impurtanza tant tar ils projects d'agid en pajais en crisa sco er tar l'administraziun da las donaziuns. Er la comunicaziun activa envers donaturas e donaturs duaia esser transparenta e cunzunt vardavla, accentuescha la nova presidenta dal cussegl da fundaziun da la Chadaina da fortuna. La sedia principala ha l'organisaziun caritativa a Genevra e per la Chadaina da fortuna lavuran 14 persunas. Directur è *Tony Burgener* e la vusch rumantscha tar accziuns da rimnar daners è dapi intgins onns *Claudia Cathomen*.